

江
油
縣
志

昆明志 309

76917

地 280. III

39

126



光緒崇卯年重修

江

油

縣

志

極其有以心也

江油縣志原序

夫有文可考有獻可徵以成一邑之乘此秉筆者之所樂也若典籍云亡故老靡存而欲搜討他書借資鄰域必身歷以稽訪焉不獨簿書冗雜居諸無暇卽案牘稍清而跋涉溪山週行四境則亦難爲有功矣能免掛一漏萬之譏乎江油雖邊隅僻處地介氏羌然自漢魏以來載名史冊豈閱數千百年而遂無可傳可紀者耶何往事之莫傳而目今之乏紀耶抑或遷徙無常沿革莫定而兵燹之頻遭耶嗚呼因陋就簡此前人之所安與斯土斯民相忘於渾渾穆穆之天而已余何爲哉余奉

江油縣志

卷之一 原序

命來宰是邑入境卽索邑志無有也但見居人散處仄途叢棘或五里或十里雞犬無聞村落罔覩時有怪鳥飛鳴於荒烟蔓草中而涪水日夜聲喧崇山濃霧不捲驗牌甲戶惟五百課丁賦額少半千幅幘不及附庸舟車不通商賈此卽卓魯復生龔黃再出亦大費一番開闢功也况迂拙如余其何能濟且余思聖人之訓治也在庶富教人非土不生計江邑地旣蕞爾山居其七水居其二可耕者祇一分土耳一戶之土僅供數口多男則必出繼蓋地不足而人無食也則庶之難財非積貯不裕獨江邑霧瘴四起而米不過夏穀不過冬謀食者終歲耳時豐或免啼饑稍

歛遂艱餬口蓋地氣蒸濕而蓋藏不謹也則富之難若夫
學校荒蕪茲歌絕響雖鮮文翁雅化亦由志士乏人半讀
半耕治生是急寡聞寡見積學何從甚至字不辨魯魚音
不調平仄經史缺於几案師友疎於切磋教豈易言哉然
庶富或限於天時地利而興學勸勉則由於人事十室必
有忠信百里不乏一賢此固有司者之責而亦士人所當
深自砥礪者也苟相與鼓舞以臻於文學之鄉將見家絃
戶誦爰作子述則有文可考矣釋褐登朝懷珍待聘則有
獻可徵矣按舊日之封疆而復之則地廣而人庶矣闢蠶
叢之逕路而通之則貨集而富可期矣猗歟休哉庶可仰
江油縣志

卷之一 原序

二

答

聖天子愍愍勸農崇學之至意而不負大聖人庶富教之
垂訓也則余今日之所纂集者特嚆矢耳恐後之視今猶
今之視昔故不量鄙陋妄爲編錄聊存十一於千百以備
後之君子增飾而補不逮云爾雍正五年歲次丁未夏五
月望前一日

勅授文林郎知四川龍安府江油縣事兩充癸卯科兩年
科本省鄉試同考官加一級紀錄三次彭陞序

江油縣志原序

江油有志自前令彭君始彭修於雍正五年搜輯在明季兵燹文獻凋殘之後勒成一書至今賴之顧其時舊疆未復紀載僅今邑之半耳若雍正八年平武撥歸讓里三十二載之事故則未遑及焉余於丁丑冬抵任茲土嘗以硝磺之役陟天倉三奇諸峯縱目遠眺東西徑三百餘里南北半之而涪江雍水渺渺橫入煙霧間不知所際竊慨焉太息幅幘如其大也由中以思地不愛寶崇巖之利日興人不辭山蜀道之難日集五方風氣既變古以成今三代富教應有加而無已職司百里恭膺

江油縣志

卷之一 原序

簡命謂何以慎固封守綱維人心俾按圖考籍而知所措注與則續志一編義不容已者雖然蜀之志豔稱升菴玉壘方洲前明三太史

皇清因之乃臻完善江於蜀亦小體之一續之詎易易抑又思之必待才如良史需歲殷遙將物換星移邑之淪落而湮沒者何限耶第恐塵封案牘民方呼籲於堂階覺起疆圉日且奔馳於雨雪遂欲凝神息慮考文於斷碣殘碑徵獻於巖栖谷處是則難耳茲者仰托山川社稷靈佑訟庭少靜年穀亦豐而邑中要務如水利城垣祠廟學校亦隨力略爲振興每退而寢不覺山風江流醒我夙願於此

志忤忤欲動矣且夫匡山之岫讀書之臺前哲藏修游息之所閱世希踪聞風向慕耆儒夙學詎云無人况 國家百餘年教澤深厚卽玉堂金馬之英尙待崛起要自有探禹穴窺石室翹然於天柱龍門者出而相與慶同人之助焉於是謀之儒學彭君仁嚴君永孝貢士王子士良甯子愚輩爰取彭君之志凡三十九目分類詳核而增定之其大者標孝友以重人倫廣節烈以維風化補鹽茶以足財賦列十甲以定疆域至於鄉壩市場樓臺八景解支俸工武職雜記則或附或略焉爲目三十有四自己卯冬始事辛巳春竣事非敢言文惟三十二祀之無徵是懼故謬托江油縣志

卷之一 原序

二

諸裨謚云時乾隆二十六年歲次辛巳春瞿緝曾叙

江油縣志原序

從來典籍之昭垂積久而日闕事蹟之錯陳積久而日增矧當歲遠年湮之後脫無有珥筆者爲之採而錄之其書闕而其地其人其事其物遂因以不傳此文獻無徵之所由慨也江油縣志自前令彭君基士始修於雍正五年厥後瞿君熙仲續修於乾隆二十六年其間歷年匪遠補輯猶爲易易由茲以往今已五十餘載無復有踵而修之者其闕略蓋不可勝紀矣壬申春余權篆茲土適奉檄飭纂修縣志下車伊始卽謀之司鐸邑紳羅元吉諸君子輩十餘人咸博聞強記好學善問之士聞之色喜欣然身任採

江油縣志

卷之一 原序

一

訪鈔撫之責然泛而蒐者其任易綜而核者其任難則有郡學廣文周君模庭固天彭之宿儒也羣以秉筆集成之事推以奉之余不文不能承其乏竊有愧焉每當公餘流覽見夫城郭依然疆域依然規制不殊乎夙昔而起視閭閻人勤耕織戶講詩書茶鹽利興商賈輻輳生齒日以繁田疇日以治人文日以起仕於朝者藹藹吉人之選修於家者彬彬儒雅之流抑且匡山涪水圖嶺天倉諸奇勝英特之風旣萃於士林清淑之氣復鍾於閨秀澆漓去而習俗淳龐教化興而士女節烈曩者教匪不靖地經兵燹蹂躪而衆志成城守義不屈及艱危之際矢死殉節流芳於

簡冊者尤班班可考常則民知相親變則民知相守其所
以教養維持鼓舞而振興之者匪伊朝夕迄今人心風俗
方策堪書里巷歌吟風詩可譜不有以揚扃而表彰之其
何以見昇平之有象哉余是以嘗與模庭諸君子議論及
之輒色相慶曰典籍雖亡老成具在是役也將以繪和親
康樂之風以供太史輶軒之採不獨爲江邑幸實足增

邦家光也越三月書成諸君子錄以見示並屬序於余余
展而閱之卷凡六白圖考以迄土產分門凡三十有八最
後則諸前人之著作附焉參考乎舊存之冊增而輯之斟
酌乎新頒之章彙而記之有條有理綱舉目張俾五十餘

江油縣志

卷之一 原序

二

年之中百里疆堯之內天時人事吏治民風大而忠孝節
義小而雞犬桑麻罔不燦然而陳列炳炳烺烺煥乎成章
觀者瞭如指掌余雖不敢謂博採其搜已探驪龍領下之
珠絕無濫觴漏卮之誚然諸君子殫見竭聞集思廣益或
得諸故老傳聞或採諸文人記載或稽諸簿牒文移殘碑
斷碣幾經討論幾費推求哀集以成編者應亦足以遠紹
彭瞿二君之志矣余從其請爰極管窺蠡測之見聊志顛
末於簡端以俟博物之君子潤色而鑒定焉嘉慶十七年
歲在元默涪灘秋七月中元後六日

勅授文林郎知江油縣事瀟陵王衡序

續修江油縣志序

邑之有志或十年而一修或數十年而一修非徒侈一邑
記載之謂其謂長民之責莫先安民安民之政在於富教
使非志無以知歷來之成憲非志無以知山川之險易田
地之肥瘠穀種之異宜非志無以知戶口之多寡人事之
臧否志之爲書顧不重哉江油縣志創始於彭君基士續
修於瞿君熙仲至嘉慶十七年 大府具奏請續修四川
全省通志檄行各郡縣編輯志書齎省局備纂時前令王
君延食古通經之士稽舊乘訪潛德採輯成書未付剖劂
志已修而不刻不與不修同乎道光庚子余奉

江油縣志

卷之一

序

一

命來宰斯邑自士習民風農田水利以及簿書錢穀期會
靡不詢因革以要其事之終始而定從違既又以其未刻
之志稿日夜搜討其中分門別類體制不無參差沿革建
置引証未盡恰當公餘卽爲點定補其未備而刪其繁冗
又與同舟諸公及邑中紳士等援據舊聞博採時事以參
考而互証之廼舉土地人民政事之掌故條分縷晰惟在
簡而該括而不遺以期與天府大郡同炳國書以上昭
聖天子一統同文之治而於字民之道亦不無小補云
道光二十年歲次庚子端陽月

賜進士出身知龍安府江油縣事蒙古桂星協五氏撰

重修江油縣志序

謹按

大清會典爲 國家掌故之書其間建置沿革以及疆域形勢間亦采用各直省通志及府州廳志而通志暨府州廳志則又采用各縣志然則縣志者府州廳志之權輿亦即直省通志之基礎也江油縣志修於道光庚子閱今六十有四年一切天時人事經六十餘年之久不能無所變遷而咸豐季年遭藍大順之亂邑之人士忘軀報 國邑之婦女殉節捐生概未收入志書忠魂烈魄湮沒而不彰於世者何可勝道此尤闕典之大者顧今之牧令精神竭於簿書心力疲於獄訟自昕及夕刻無暇晷至於徵文考獻揚微闡幽大抵視爲可緩曰以俟後之君子而已光緒壬寅冬山西武君丕文宰斯邑百廢具舉越明年纂修縣志延邑之賢士大夫博訪而周咨將以蒐遺文錄軼事甚盛舉也維時余權郡篆瓜代有期聞是舉而躉之亟謂武君曰昔陳文恭公課吏輿圖之外首重志書其意以謂志書爲居官第一切已要務平居無事察戶口之增減賦稅之豐耗風俗之薄厚物產之盈虛藉以考驗吏治一旦有盜賊之警則某處關隘可以扼守某處津梁可以邀截某處堡堦可以堅壁清野備參而熟考之成算在胸舉而措

江油縣志

卷之一

序

一

之於行事經世之才豈外是哉然則縣志之作其爲用大矣是曷可緩武君曰善遂舉斯言書諸簡端光緒二十有九年歲次癸卯秋七月署龍安府事夔州府知府潘炳年序

江油縣志

卷之一

序

重修江油縣志序

光緒壬寅冬丕奉委權江油篆旣下車采風問俗昕夕不
遑維時 朝廷思與天下維新 詔改書院爲學堂令諸
生講求經史兼習輿圖掌故夫輿圖掌故之學備載於
皇朝一統志及直省通志與各縣志者也則縣志顧不重
哉况昔陳文恭公課吏輿圖之外首重志書是志書又爲
居官第一要務因取舊志閱之舊志創修於雍正五年縣
令彭公厯瞿公王公及道光庚子年桂公皆有所增益迄
今六十四年建置沿革更變無常復遭咸豐季年藍逆之
亂風俗隨世運爲隆污條教視時事爲因革其間志士節
江油縣志 卷之一 序 一
烈捐軀殉難者不少無以續之不惟無以起學生之觀感
深負 國家養士之恩即守土者亦無以按圖考籍而知
所措注第地方瘠苦籌費維艱輒有志而未逮焉越明年
春適有邑人魏馨亭因案願捐銀六百兩以成斯舉丕遂
欣然允從爰謀諸兩廣文馮君劉君又遴選各紳分司協
修校勘編次採訪諸任剋日纂輯閱七月而書成其前志
之是者因之非者改之筆則筆削則削庶使習輿地考掌
故者言質學則物產山川形勢得其宗言政事則禮典田
賦關隘得其要學堂諸生亦不至以梓里文獻謏爲不足
徵也惟是是舉也興於設學堂之後丕又以瓜代將及期

於速成故掛一漏萬淺陋尤所不免然越六十餘年縣志
至今日而與學堂並成之蓋亦會逢其時耳古人云時哉
不可失今去任期促不克携稿就正於都人士後之蒞斯
土者得是志而參考之其亦監余相時而動之意咸曉然
於此志之所由續

光緒二十有九年歲次癸卯冬十一月署江油縣事清溪
縣知縣山右武丕文識

重修江油縣志序

庚寅秋改官蜀都時親老以近請旋改粵之會同壬寅謁
選入都復得蜀之江油顧江油余外舅李公之舊治也後
先數載甥舅俱來是余之有緣於蜀人士而有緣於江油
之人士也尤深癸卯冬涖茲土下車伊始百務未遑適志
書成諸君子以序請夫是役也武君始之諸君子成之余
何力復何言然天下事功不必自我立名不必自我成前
乎數十百年有先武君與諸君子而爲之者是爲斯志之
嚆矢後乎數十百年有後武君與諸君子而爲之者是爲
斯志之賡續先民有言寶劍勿寶匣志書雖匣也其中有
江油縣志 卷之一 序

所謂劍者存焉余將因匣以求劍則夫典禮之所存官師
之所守疆域之沿革隄堰之興廢山川關隘之夷險田賦
戶口之盈虛學校人士之盛衰物產風俗之厚薄於以參
覽形勢考鏡吏治是志書爲余先事之導也余因是以拜
諸君子之貺光緒二十有九年冬十一月知江油縣事鍾
陵陳志喆序

重修江油縣志序

史紀一代之事實志紀一邑之事實志者史之流別也有志則一邑之士田民物阨塞戶口學校時政先賢舊蹟靡不具悉太史輶軒之採此其權輿然必詳必覈始昭賅備江油縣志創始於前令彭君基士繼修於瞿君熙仲桂君應侯迄今年遠典禮有闕畧未講者忠義節烈有潛沒未彰者山川風土有改易前勢者庠序學校有變更舊法者不重修之不幾美隨日落善因月稀乎癸卯歲

武偉康大令以名進士權篆茲土稽舊乘考遺文不免殘缺挂漏之弊爰謀之文延集士紳博採而重修之凡邑中

江油縣志

卷之一序

一

農田水利節考坊表工商實業悉次第興舉而於學宮樂舞學堂書籍有關教化之事尤肫肫致意捐俸創置以補舊志之未備夫一邑盛衰由學校之興廢學校興廢由邑令之賢否邑有賢令百廢具興豈獨一志也哉文贊襄厥事聿觀厥成亦得與於有事之列是爲序

光緒二十九年歲次癸卯季夏江油縣教諭馮景文謹識

重修縣志官紳銜名

署江油縣事清溪縣知縣

平遙武丕文

特授江油縣知縣

進賢陳志喆

特授江油縣教諭

鹽亭馮景文

特授江油縣訓導

富順劉宣

署永川縣教諭江油縣拔貢

歐培槐

歲貢生

柯桂芬

歲貢生

歐培育

優廩生

饒時中

廩生

楊肇傑

江油縣志

卷之一

銜名

三

廩生

王壽培

廩生

朱文奎

廩生

邱潤生

增廩生

張錦垣

附生

竇廷薦

附生

吳貴樸

附生

歐培灃

附生

唐棣

附生

張桂銘

附生

陳愷

重修江油縣志目錄

疆域第一

建置第二

山川第三

隄堰第四

關隘第五

里鎮附

津梁第六

古蹟第七

田賦第八

雜稅附

戶口第九

江油縣志

卷之一 目錄

物產第十

風俗第十一

學校第十二

壇廟第十三

寺觀附

典禮第十四

官師第十五

科名第十六

封蔭第十七

仕宦附

人士第十八

列女第十九

坊表第二十

墳墓第二十一

祥異第二十二

外紀第二十三

藝文第二十四

邑志自道光庚子 協五桂侯續纂後迄今垂六十四年
鮮或修復壬寅冬平遙

武公偉康來宰吾邑受印之明年庶務並舉政通人和慨
然於縣志之殘缺及此不爲釐正後將何徵迺謀諸邑人
士籌款重修槐適在家居憂濫竽小學堂教習猥以編纂


江油縣志

卷之一 目錄

二

之事相屬槐不敏文質無底惟日與諸君子博採旁搜略
昉段若膺先生富順縣志李申夫夫子劍州志體例參互
而變通之顧自咸豐兵燹以來典冊灰燼中間事實難於
記憶蠡測管窺因陋就簡不純不備之譏蓋兢兢焉閱六
月書成凡二十四卷光緒癸卯冬十月邑人歐培槐謹識

城池街道圖



壇北

五顯廟

門北

火神廟

況廳

萬壽宮

觀音廟

古龍王廟

教諭署

游藝局

奎閣

捕廳

小學堂

天后宮

城隍廟

試院

文昌宮

養生池

三費局

龍肅昭忠祠

監獄

縣署

衙神祠

武廟

樞密宮

中學堂

熒武宮

南華宮

壇南

門南

忠義宮


王爺廟

禹王宮

養濟院

先農壇

學宮圖



數仞宮牆

聖域

星橋門

泮池

月橋

名宦祠

鄉賢祠

大成殿

崇聖祠

東廡

西廡

鐘樓

鼓樓

更衣所

陳設所

神廚

賢閣

河道圖

沿江

雞村河

縣城

江村河

百匯溪

龍潭溪

中壩


彰明

河口通

讓水

三岔河


廉泉




隄堰圖

灌車堰

堰門龍



潘公隄



上渡

堰歐許

堰昌文

堰公陳



縣城

西坪渡

子店老



文風隄

堰佛鐵

